

Na osnovu člana 32. Zakona o javnim nabavkama Bosne i Hercegovine («Službeni glasnik BiH», br. 39/14), a nakon provedenog postupka javne nabavke za nabavku „**Izvođenje radova redovnog i vanrednog održavanja pokretnih traka**“ zaključen je

## **OKVIRNI SPORAZUM**

za „**Izvođenje radova redovnog i vanrednog održavanja pokretnih traka**“

Između sporazumnih strana:

**DIREKCIJA ZA PUTEVE KANTONA SARAJEVO, Ministarstvo saobraćaja**, ulica Hamida Dizdara broj 1 Sarajevo, koju zastupa Direktor Selmir Kovač dipl.ing.saob (u daljem tekstu:Naručilac)

i

„**KA BEST group**“ d.o.o. Sarajevo, ul. Osik 59M, ID broj: 4202028660002, koju zastupa direktor Alen Kovačević (daljem tekstu: Izvođač radova),

### **I PREDMET SPORAZUMA**

#### **Član 1.**

Ovim Okvirnim sporazumom sporazumne strane se sporazumijevaju da će Izvođač tokom ugovornog perioda, po ukazanoj potrebi, a na osnovu zahtjeva Naručioca izvršavati naložene poslove definisane postupkom javne nabavke „**Izvođenje radova redovnog i vanrednog održavanja pokretnih traka**“, sve prema zahtjevima definisanim u postupku, specifikaciji, tenderskoj dokumentaciji i Ponudi Izvođača koja čini sastavni dio ovog Sporazuma.

Predmet sporazuma je definisan tehničkom dokumentacijom u postupku nabavke.

Okvirnim sporazumom naručilac i izvođač su saglasni da mogu u toku cijelog perioda na koji se sporazum zaključuje 2 (dvije) godine zaključivati ugovore iz oblasti za koje je proveden postupak javne nabavke.

Okvirnim sporazumom će se definisati uslovi pod kojim se mogu dodijeliti ugovori tokom određenog perioda, u skladu s predviđenom cijenom i predviđenim količinama, a u skladu sa Okvirnim sporazumom.

### **II ROK TRAJANJA I CIJENA**

#### **Član 2.**

Okvirni sporazum zaključuje se za period od 2 (dvije) godine odnosno do iskorištenja raspoloživih novčanih sredstava/maksimalne finansijske vrijednosti od

**233.997,66 KM sa pdv-om**  
(slovima: **dvijestotinetridesettrihiljadedevećtotinadevedesetsedam KM i 66/100**)  
(**199.998,00 KM bez pdv-a**).

### **Član 3.**

Ukupna vrijednost pojedinačno zaključenih ugovora ne može biti veća od prihvaćene cijene ponude.

Ugovorene strane su saglasne da je utvrđena cijena fiksna i nepromjenljiva. Ugovorna cijena sadrži kompletne troškove koji su u vezi sa izvršenjem ugovornih obaveza iz ovog ugovora uključujući sve neposredne i posredne troškove potrebne za izvršenje posla.

Cjenovnik radova utvrđuje se na temelju jediničnih cijena iz ponude Izvođača, po vrstama radova.

Prilog Sporazumu čini Predmjer i predračun radova iz ponude.

### **Član 4.**

Izvođač je dužan naručeni posao izvršiti u definisanom roku od strane naručioca, na mjestu i na način koji je definisao Naručioc.

Izvođač je dužan ugovoreni posao izvršiti prema uslovima iz tenderske dokumentacije, pravilima struke, važećim propisima i uslovima prihvaćene Ponude.

Izvođač ima pravo da zahtjeva produženje roka za izvođenje radove u slučajevima kada je to opravdano, u slučaju nastupanja izvanrednih okolnosti koje onemogućavaju izvršenje radova po predviđenoj dinamici.

### **Član 5.**

Opravdanim razlozima za produženje roka za izvođenje radova smatraju slučajevi koji se ne mogu u dovesti u vezu sa odgovornošću Izvođača (prirodne nepogode više sile (poplave, zemljotresi, sl), geološki, hidro-klimatski uslovi, mjere predviđene aktima nadležnih organa, nastanak uvjeta za izvođenje radova koji nisu predviđeni tehničkom dokumentacijom i sl). U slučaju eventualnog nastanka osnova za podnošenje zahtjeva za produženje roka izvođenja radova Izvođač je dužan zahtjev podnijeti prema naručiocu po hitnom postupku u odnosu na momenat nastupanja nepredviđene okolnosti.

U slučaju prekida radova ili nastanka situacije ugrožavanja sigurnosti i prometa, Izvođač je dužan bez odlaganja preduzeti hitne mjere u cilju otklanjanja opasnosti i sprječavanje šteta, te o svemu obavijestiti naručioca. Navedeno se vrši na način da se osigura racionalni i efikasno obavljanje posla.

Izvođač je u cilju osiguranja od nastanka opasnosti dužan obezbjediti potrebnu propisnu signalizaciju.

## **III GARANTNI ROK ZA RADOVE I KAZNA ZA KRŠENJE ROKA IZVRŠENJA**

### **Član 6.**

Garantni rok za izvedene radove je 1 (jedna) godina računajući od dana okončanja svih radova.

Izvršilac se obavezuje da održava kontinuitet i dinamiku izvršenja svojih obaveza, kako bi se posao završio u roku određenim ovim Ugovorom.

U slučaju zakašnjenja izvođenja radova u normalnim uslovima Naručilac će tolerisati Izvođaču prekoračenje roka od 2 (dva) dana od ugovorenog roka.

Za svaki dan zakašnjenja završetka radova preko 2 (dva) dana Izvođač će platiti Naručiocu kaznu u iznosu 0,5% ugovorene vrijednosti za svaki naredni dan zakašnjenja. Maksimalna kazna za kašnjenje radova je 5% od ukupno ugovorene vrijednosti radova.

U slučaju kada Ugovorni organ ocjeni opravdanim produženje roka za izvođenje predmetnih radova, ili kada potreba produženja roka nastane bez krivice i odgovornosti izvođača, pomenuta kazna se ne zaračunava.

## **IV NAČIN PLAĆANJA**

### **Član 7.**

Za izvršeni posao Naručioc je obavezan izvršiti plaćanje u roku od 60 dana od dana prijema računa i potvrde o dobrom izvršenju posla, uplatom na račun Izvođača navedenog u ponudi, tj od dana prijema računa i ovjere situacije od strane nadležnog nadzornog organa.

Za izvedene radove Izvođač ispostavlja obračunske/privremene i okončane situacije po završetku radova.

### **Član 8.**

Situacije se sastavljaju na osnovu stanja izvedenih radova krajem obračunskog perioda, a ispostavljaju se najkasnije 10 dana po isteku perioda za koji se vrši obračun izvedenih radova. Datum ispostavljanja situacija obavezno se upisuje na situaciji.

Situacije se dostavljaju Nadzornom organu koji iste nakon ovjere prosljeđuje Naručiocu.

Ovjeru ispostavljenih situacija vrši nadzorni organ Ugovornog organa .

Datum podnošenja na ovjeru situacije nadzornom organu upisuje se u građevinski dnevnik. Nadzorni organ je dužan da u situaciju upiše datum ovjere.

### **Član 9.**

Sporazumne strane su saglasne da Izvođač neće zapošljavati fizičke i/ili pravne osobe koje su sudjelovale u pripremi tenderske dokumentacije i /ili su bile član Komisije za javne nabavke Naručioca ili su u svojstvu stručnog lica bile angažirane od strane Komisije za javne nabavke, prilikom dodjele ovog Sporazuma.

Ograničenje u smetnji iz stava (1) ovog člana traju (6) šest mjeseci od dana stupanja na snagu ovog Sporazuma odnosno od početka njegove realizacije.

## **V OBAVEZE IZVOĐAČA RADOVA**

### **Član 10.**

Izvođač se obavezuje:

- izvršiti sve ugovorene obaveze u potpunosti a kako je to predviđeno specifikacijom/predmjerom i ostalim prilogima koji čine sastavni dio ugovora
- ugovorene radove obaviti u skladu sa važećim propisima i pravilima za tu vrstu radova, kao i zahtjevima naručioca navedenim u specifikaciji i pozivu za ponudu
- garantovati kvalitetno izvršenje ugovornih radova, i
- održavati kontinuitet i dinamiku uzvršenja svojih obaveza i u ugovorenom roku izvršiti radove iz predmeta ovog ugovora,
- osigurati garanciju za uredno izvršenje posla u visini od 10% od vrijednosti pojedinačno zaključenog ugovora u roku od deset dana od potpisivanja ugovora (u slučaju nedostavljanja garancije u određenom roku potpisani ugovor se smatra ništavnim),
- u svemu postupati prema nalogima naručioca ujedno poštujući odredbe pozitivno pravnih propisa, Okvirnog sporazuma.

### **Član 11.**

Ukoliko Izvođač radova ne izvodi radove u skladu sa zahtjevanim kvalitetom, odnosno važećim tehničkim propisima, standardima, smjernicama i usvojenoj dokumentaciji, ili radove izvršava na način kojim se ugrožava sigurnost prometa, Ugovorni

organ ima pravo da obustavi daljnje izvođenje radova i da od Izvođača radova zahtjeva da u datom primjerenom roku koji definiše naručilac otkloni nedostatke koji su doveli do obustave radova.

Ukoliko Izvođač radova ni u naknadno utvrđenom roku ne izvršava ugovorne obaveze, Ugovorni organ može raskinuti ugovor i radove ustupiti drugom Izvođaču. Izvođaču se neće platiti radovi koje bude izvodio nakon pismenog naloga Ugovornog organa kojim se nalaže obustava radova i Izvođač je odgovoran je za sve posljedice koje mogu proisteći iz osnova nepridržavanja obustave radova.

Izvođaču se neće platiti ni radovi koji nisu izvršeni prema nalogu, tehničkoj dokumentaciji, standardima, smjernicama i pravilima. Naručilac ima pravo da Izvođaču odbije dio naknade od iznosa fakture za nekvalitetno i nepotpuno izvedene radove, nakon što iste utvrdi nadzorni organ.

Sve štete nastale usljed neizvršenja posla, nekvalitetnog, neblagovremenog, neadekvatnog i nepotpunog izvođenja predmetnih radova, kao i štete prema naručilcu i trećim licima, za koje je odgovoran Izvođač radova, nadoknaditi će sam Izvođač.

Na osnovu pismenog izvještaja nadzornog organa o neizvršavanju ugovornih obaveza i nekvalitetnom izvođenju radova od strane izvođača, naručilac može raskinuti ovaj ugovor i tražiti naknadu prouzrokovane štete od izvođača .

#### **Član 12.**

Izvođač je dužan radove izvoditi u skladu sa usvojenom tehničkom dokumentacijom, pozitivnim zakonskim propisima, važećim tehničkim propisima, standardima i smjernicama i pravilima struke.

Izvođač je dužan izvoditi i radove čijim se izvršenjem otklanja neposredna opasnost po opću sigurnost i sigurnost prometa. Radovi koji neposredno utiču na sigurnost i prohodnost prometa ne mogu se prekidati dok se u potpunosti ne ukloni opasnost.

Istovremeno sa završetkom radova sa ceste se moraju ukloniti ostaci materijala, sredstava rada kao i drugi predmeti i sredstva korištena prilikom izvođenja radova.

U skladu sa važećim zakonskim odredbama Izvođač je dužan o svom trošku blagovremeno preduzimati potrebne mjere sigurnosti i zaštite na radu.

Ukoliko Izvođač ne ispunjava svoje preuzete obaveze, Naručilac će ga pismeno pozvati da postupi prema odredbama ovog Sporazuma.

Ako Izvođač ne postupi prema pismenoj opomeni iz stava (2) ovog člana ni u danom naknadnom primjerenom roku, Naručilac zadržava pravo da jednostrano raskine ovaj Sporazum i traži naknadu nastale štete.

## **VI OBAVEZE NARUČIOCA**

#### **Član 13.**

Naručilac se obavezuje :

1. pravovremeno uputiti prigovore na eventualne propuste tokom obavljanja radova a koji nisu u skladu sa Ugovorom i ponudom Izvođača,
2. uredno izvršiti plaćanje ugovorenih radova,
3. odrediti Nadzor nad radovima i obavijestiti izvođača ko će vršiti isti.

## **VII STRUČNO TEHNIČKI NADZOR, KVALITET I KONTROLA KVALITETE RADOVA I MATERIJALA**

### **Član 14.**

Troškove stručno-tehničkog nadzora snosi Ugovorni organ.

Stručno Tehnički nadzor u izvođenju radova vrši Ugovorni organ putem ovlaštenih nadzornih organa. Nadzorni organ svojim potpisom ovjerava kvantitet i kvalitet izvršenih radova te podudarnost ugovorene količine i cijene rada sa izvedenim i obračunatim radovima.

Nadzorni organ je dužan da kontroliše da li se radovi izvode u skladu sa usvojenim dinamičkim planom, propisima, standardima i smjernicama. Nadzorni organ putem upisa u građevinski dnevnik daje izvođaču potrebna tehnička uputstva i druge podatke (nacрте, detalje) potrebne za izvođenje radova.

Izvođač je dužan Nadzornom organu omogućiti uvid u obim i kvalitet izvršenih radova te ga pozvati da putem građevinskog dnevnika izvrši prijem istih.

## **VIII PRIMPREDAJA IZVRŠENIH RADOVA**

### **Član 15.**

Nakon izvršenja radova i poslova koji predstavljaju tehničku ili funkcionalnu cjelinu vrši se primopredaja radova po količini i kvalitetu što se utvrđuje na osnovu pregleda izvedenih radova i atesta o ispitivanju materijala i radova, obračunom u građevinskoj knjizi i konstatacijama u građevinskom dnevniku. Primopredaja se vrši po količini, kvalitetu, a na osnovu operativno-tehničke dokumentacije o izvršenju radova (građevinski dnevnik, građevinska knjiga, dinamički plan) i pregleda stanja izvršenih radova na terenu.

O primopredaji radova sastavlja se zapisnik u koji se unose svi bitni podaci o izvršenju radova, a potpisuje ga nadzorni organ i ovlašteni predstavnik izvođača). Ako se zapisnikom o primopredaji radova utvrde nedostaci u odnosu na ugovorene uvjete Izvođač radova je dužan otkloniti nedostatke u roku utvrđenom zapisnikom.

Sve promjene i odstupanja u odnosu na ugovoreni obim radova ili tehničku dokumentaciju prethodno odobrava naručilac na pismeni zahtjev Izvođača uz saglasnost Nadzornog organa. Za navede radove kreirati će se poseban ugovor.

## **IX USTUPANJE RADOVA DRUGOM PRUŽAOCU**

### **Član 16.**

Izvođač nema pravo ustupiti ugovorene radove u cijelosti ili djelimično drugom pravnom licu.

## **X GARANCIJA**

### **Član 17.**

Izvođač daje garanciju da su radovi iz predmeta ovog sporazuma/ugovora urađeni u skladu sa važećim propisima, standardima, tehničkim normativima i pravilima struke i da odgovara za sve eventualne propuste nastale kao posljedica neadekvatnog izvršenja.

Izvršilac je dužan obezbjediti bezuslovnu bankovnu garanciju za uredno izvršenje pojedinačno zaključenog ugovora u visini od 10% od vrijednosti Ugovora najkasnije u roku 10 (deset) dana nakon potpisivanja ugovora. U slučaju nedostavljanja garancije u određenom roku potpisani ugovor se smatra ništavnim.

Period trajanja garancije mora obuhvatati period od početka do okončaja radova po ugovoru i biti uvećan za 30 dana u odnosu na period trajanja samog ugovora/perioda izvršenja radova, te obuhvatiti i grantni period za izvedene radove.

## **XI VIŠA SILA**

### **Član 18.**

Ako slučaj više sile potpuno ili djelimično spriječi izvršenje obaveze po ovome ugovoru, ugovorna strana koja se poziva na slučaj više sile obavezna je da obavijesti drugu ugovornu stranu u roku od 3 (tri) dana od nastanka više sile.

## **XII KORIŠTENJE UGOVORNIH DOKUMENATA I INFORMACIJA - POSLOVNA TAJNA**

### **Član 19.**

Izvođaču nije dozvoljeno, bez izričitog pristanka Naručioca, objaviti Ugovor u cijelosti ili dijelovima ili informacije primljene od Naručioca. Navedeno se ne odnosi na informisanje ili pristup dokumentaciji svog osoblja ali sve samo u mjeri u kojoj je to potrebno za njihovo izvršavanje Ugovora.

Dokumente i podatke prema ovom ugovoru, Izvođač i osobe koje se navode u toj odredbi trebaju čuvati kao poslovnu tajnu tokom izvršavanja Ugovora i u daljem roku od dvije godine, te su odgovorni za povredu navedene obaveze.

## **XIII MJERODAVNO PRAVO**

### **Član 20.**

Na sva ostala prava i obaveze koja nisu regulirana ovim Sporazumom, primjenjivat će se odredbe Zakona o obligacionim odnosima.

## **XIV RJEŠAVANJE SPOROVA I MJERODAVNO PRAVO**

### **Član 21.**

Eventualne sporove sporazumne strane će nastojati riješiti sporazumno, u duhu dobrih poslovnih odnosa i uzajamnog povjerenja, a u slučaju da sporazum ne bude postignut konačno će se riješiti pred nadležnim sudom u Sarajevu.

## **XV POSEBNE ODREDBE**

### **Član 22.**

Sporazumne strane mogu sporazumno otkazati ovaj sporazum i prije njegovog izvršenja ukoliko, neovisno od sporazumnih strana, nastupe okolnosti, koje bitno utiču na predmet izvršenja sporazuma/ugovora. U tom slučaju sporazum se raskida.

## **XVI ZAVRŠNE ODREDBE**

### **Član 23.**

Sporazum stupa na snagu sa danom obostranog potpisivanja ovlaštenih predstavnika sporazumnih strana.

Sastavni dio sporazuma čini predmjer radova u prilogu.

## **Član 24.**

Sporazum je sačinjen u 6 (šest) istovjetnih primjeraka, od kojih svaka od sporazumnih strana zadržava po 3 (tri) primjerka.

**KA BEST GROUP d.o.o. Sarajevo**

**Direkcija za puteve Kantona Sarajevo**

Broj:04-14-39280-OS/19

Datum: 29.04.2020. godine

